



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Visitatione.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

CONSTITVTIONVM ET DECRETORVM

Synodaliū Prouinciæ Mediolanensis

Liber Quintus.

De Visitatione.

S V M M A R I V M.

- 1 *Visitatio Episcopi munus.*
- 2 *Illudque valde necessarium, ac debitum.*
- 3 *Visitatio ab Episcopis quando habenda.*
- 4 *Eis impeditis per quos alios. & de Parochijs. nu. 14.*
- 5 *Quos, & quot in eo munere secum habeant.*
- 6 *Vbi hospitentur, & cibum sumant.*
Lex de victu, procuratione, & muneribus seruanda.
- 7 *Mensaque qualis.*
- 8 *Notarius, Cancellariusue quid capere possit.*
- 9 *Pœna Visitatori contrafacienti quæ præscripta.*
- 10 *Visitatio ad salutem eorum, qui visitantur instituta.*
- 11 *Celeriter, & diligenter conficienda.*
- 12 *Visitacionis initium ab Episcopali familia fiendum.*
- 13 *Quo ordine cætera loca; quaq; ratione Ecclesiæ omnes visitanda. 19.*
- 14 *Episcopus visitans, prædicet.*
- 15 *Præuatim admoneat.*
- 16 *Confirmationis sacramentum ministret.*
- 17 *Ad penitentiam cohortetur.*
- 18 *Viros, ad inquirendi rationem adhibeat: quæque alia faciat. nu. 19.*
Visitanda Civitas, & Diæcesis. supra 4.
- 20 *Cathedralis, & Collegiata Ecclesiæ Ministri, qua diligentia visitandi.*
- 21 *Parochiales item; ac Parochi quomodo visitandi.*
Iidem Parochi, in sermonibus habendis, eodẽ tempore probandi. 43.
Quoque modo Clerici horas suas collocent, inquirendum. 44. remissuẽ. De vita & hon. Cler. 81.
- 22 *Curatæ etiam Ecclesiæ, Monasterijs Regularium vnite, visitanda.*
Capella

- 23 Capelle quaque ea conditione institutæ, ut Ecclesiasticus superior eas visitare non possit.
- 24 Ecclesiæ insuper Equitum ord. Hierosolymitani.
- 25 Populus. 39.
- 26 Regulares.
- 27 Monasteria, ac beneficia commendata.
- 28 Monialium monasteria.
- 29 Hospitalia.
- Piaque alia loca.
- 30 Scholæ & de ludimagistris, nu. 17.
- 31 Disciplinantium Sodalitates 28. & de sodalitatib. nu. 4.
- 32 Bibliothecæ.
- Bibliopoleque. De Bibliotheca, & de profess. fidei. nu. 16.
- Visitatores quibus in rebus diligentiam adhibeant, quidque in eo munere in primis curent. 34.
- 33 Quid possint; quaque alia præstare debeant.
- 35 Quid Apostolica auctoritate exerceant.
- 36 Episcopo ad visitandum accidenti, quomodo obviam prodeant Parochiæ fideles.
- 37 Visitatione durante iidem intersint: idque ut faciant quod officium Parochi.
- 38 Ante initium visitationis quid ab Episcopo præstandum.
- Quidque ab eodem curandum, ut celerius visitatio absolvetur. 42.
- 39 Quid item à Parocho. 41.
- Præposito.
- 40 Canonicis.
- Capellanis.
- Beneficiatis.
- Fabricarū Præfectis.
- Hospitalium.
- Piorumque locorum.
- Curatoribus.
- 45 Visitationis initio Christianè viuendi regulæ de suggestu legendæ.
- 46 In illius sine, certisq; alijs solemnitatibus monitiones item pastorales, descripto recitandæ. 47.
- Quæ item monitiones ad ipsos Visitatores pertineant. De Monit. in Synodo legendis, nu. 14.
- 48 Decreta edenda, & quæ antequam à visitata Ecclesia discedatur.
- 49 Et nè multum temporis in eo ponatur, quid seruandum.
- 50 Quorum decretorum editio diutius differri poterit 52.

visitanda.

agendum.

P p Qualiter

- 51 *Qualiter illa concipienda.*
 53 *Quando, & quoties edenda gratis.*
 54 *In librum exscribenda: & ubi is liber aſeruetur.*
 55 *A quo ſubſcribenda.*
 56 *Illorum editionis dies notandus.*
 57 *Viſitator Episcopi gradu inferior quam viſitandi formulam ſeruet.*
 58 *Quo comitatu contentus ſit, & ſuprà, nu. 5.*
Contrafaciens vt punitur. ſuprà, nu. 9.
 59 *Inſtructiones preparatoriæ in Episcopali viſitatione in alijs viſitationibus ſeruandæ exceptis ijs, quæ Episcopi propriæ ſunt.*

1. de Viſitat. I

Sess. 24. c. 3.

4. de Viſit. 2



Nter Episcopalis officij munera, præcipua eſt, & ad ſalutem gregis maximè neceſſaria viſitatio. Ideò monemus Episcopos omnes, vt ſinguli ex decreto ſacri Tridentini Concilij Eccleſiam ſuam ac Diœceſim viſitent intra tempus, ab eodem Concilio præſtitutum.

3 Neceſſarium illud, ac planè debitum viſitandi munus, quod ex Sanctione Tridentina præſtari oportet, Præſentis noſtræ Episcopi ita ſollicitè exequantur; vt ſuæ quique Urbis, ac Diœceſis viſitationem ſingulis iſtis annis, aut, ſi per Diœceſis amplitudinem non poſſunt, biennio ad ſummum ipſi per ſe conſiciant.

4 Si verò legitima occupatione, cauſatè impediti, id muneris aliquando per ſeipſos obire nequeant, Vicarios generales, Viſitatorumque alios, huius rei uſu peritos, atque idoneos adhibeant, qui viſitationis officium ſedulo, vt pat eſt, præſcripto tempore exequantur.

2. Tit. 1. dec. 6.

Episcopus, cùm ad viſitationis munus Sacerdotes idoneos adhibere poteſt, nè alijs inferioris ordinis Clericis vtatur.

4. de Viſitat. 5

Cùm verò viſitationis munus ipſi per ſe obeant, vel vnum vel duos Canonicos, vel alios quoscumque homines Eccleſiaſticos quos uſui, & adiumento ſibi fore viderint, prout maluerint, ſecum in ea viſitandi cura adhibeant.

1. Ibidem.

Comitatum autem nõ habeant niſi neceſſarium; in quo plures omninò ne ſint quindecim hominibus, & iumentis duodecim. Si plures duxerint, alant ſuis ſumptibus.

4. Ibidem.

Nè deinceps plures, quàm homines decem, & iumenta ſeptem ad ſummum ſecum in viſitando conducant, ſupputata hoc numero Episcopi etiam perſona, ac illius Eccleſiaſtici viri, quem ex huius Concilij decreto Episcopus quiſque aliquando præmittet; ſuis tamen proprijs ſumptibus licebit eis plures conducere.

At verò, qui Episcopis gradu inferiores ſunt, in viſitatione lōge pauciores,

ciiores, & homines, & iumenta adhibeant. Hoc decreto derogatum sit alteri in Concilio primo Provinciali edito.

6 Laicorum hospitia, eoque magis conuiuia, vt maximè possunt, omnes fugiant; isin autem ad illos diuertere aliquando necesse erit, cum cetera seruent, tum in primis caueant, vt nè extra mensè Episcopalis, & Clericalis modum, regulasque in visitatione præscriptas, quicquàm omninò ab hospitibus appareatur, apponaturve.

7 Caueant verò, nè legem de uictu, procuratione, & muneribus à sacro Tridentino Concilio definitam, transeant.

1. Ibidem. Sess. 24. c. 3.

In mensa duo tantum fercula afferre liceat. Quod ad reliqua attinet, decretum in hac Synodo factum, de Episcopalis mensæ moderatione seruetur.

8 Notarius autem, Cancellariusuè, nè quicquàm pro visitatione ab ijs, qui visitantur, vilo quouis nomine exigat, neque vllum doni, etiam pusilli, quocumque modo oblato, genus accipiat: ac nè item pro decretorum, ordinationum uè in visitatione confectarum actione, vel conscriptione, earum uè exemplo, etiam singulis vel Ecclesijs, vel Clericis, vel alijs, qui visitantur, iussu visitantis edito. At pro opera, labore uè, quem alterius, cuius interest, illarum exempla alio deinceps tempore petentis, causa in ijs exscribendis posuerit, mercedem capiat licet, pro taxe, in foro Episcopali præfixe, aut præfigendæ ratione.

4. Ibidem.

9 Si præter huius decreti præscriptum, cuiquàm graues fuerint, dupli restitutione teneantur; præterea inferiores, Episcopi arbitrio; Episcopus Synodi Provincialis iudicio alias pœnas subeat.

1. Ibidem.

10 Meminerint autem visitationem ad salutem eorum, qui visitandi sunt institutam esse, quamobrem illis maximè propositum esse debet, vt in eis incorruptam, orthodoxamque doctrinam, probatam morum disciplinam tueantur, ac restituant.

11 Dent autem operam, vt non solum quam diligentissimè; sed etiam quam celerrimè visitationem conficiant.

Sess. 24. c. 3.

12 Episcopi, qui ceteris omni bene, sancteque agendi exemplo præire debent, antequàm Cleri, populi que visitationem ineant, à se sua que familia visitandi initium vtiliter faciant; quo reliqui omnes domesticè illius visitationis actione, executione que incitati, pastoralia iussa, quæ ipsi visitando præscripserint, promptius, ac studiosius exequantur.

4. Ibidem.

13 Visitacionis ordo is adhibebitur, vt primum Ciuitatem, deinde Diocesim visitent: nisi forte aliud Episcopo videatur.

1. Ibidem.

In Ciuitate Cathedralis Ecclesia primo loco visitetur; tum singule Collegiate; deinceps Parochiales omnes; quo, & Parochi & quicumq; præterea Sacerdotes, & Clerici in Parochijs commorantur, euocandi

Sess 7. c. 7. de refor.

sunt, scholas, Seminaria, Sodalitates, Hospitalia, ac cetera pia loca visitantes, studiosè, ac diligenter inspicient.

Trid. Con.
sess. 24. c. 3.

14 Studebunt verbi Dei prædicatione, vehementi cohortatione, ad religionem, vitæ innocentiam, pacemque & concordiam omnes adhortari.

15 Si verò priuata admonitione opus esse intelligent, in eam docendo, arguendo, obsecrando pro rei, personæ, ac temporis ratione incumbent.

16 Confirmationis sacramentum, ubi opus erit, ministrabunt.

17 Omnes ad penitentiam cohortabuntur; & quos aliquo peccato teneri cognouerint, cuius absolutio Episcopo reservata sit, eos præ confitentes, & humiliter veniam petentes, vel ipsi, vel per alios ad id munus delectos, absoluent.

18 In singulis locis à viris çrate, vñu, & probitate cõmendatis de omnibus subtiliter inquirent, quæ eos, p̄ officij sui munere scire oportebit.

19 Ecclesiam, & eius partes omnes inspicient.

An eo cultu, & nitore teneatur, qui domum Dei decet; si quid restituendum, reparandum, reconcinandum sit; iubeant ab ijs, ad quos pertinet, refarciri.

An sanctorum reliquie, tuto, ornate, decenterq; condite asservantur.

An quæ de sepulchris, ac cõmiterijs à nobis sancita sunt, re ipsa præstentur.

Si consecranda sint Altaria, consecrabunt.

Si qua Ecclesia aut cõmiterium pollutum sit, reconciliabunt.

Videndum etiam an desint vestes, libri, calices, patene, corporalia, & reliqua eius generis instrumenta, & ornamenta, quæ ad Altaris ministerium, & ad diuina officia sint necessaria.

An illa munda, & purgata seruentur.

An Missæ, aliaque diuina officia, qua oportet pietate, ac deuotione celebrentur.

An Ecclesiæ libri, vetera scripta, instrumenta, & privilegia custodiantur.

An eorum extet ratio, quæ in Inuentarium relata sunt.

20 Tum de dignitatibus, Canonicis, & alijs Ecclesiæ Ministris querendum erit.

An ritè sint ordinati.

An ordinibus initiati, quos eorum officij munus requirit.

An Ecclesias, beneficia, seu Ecclesiastica officia legitime obtineant.

An in ea se quisquam intruserit.

An resideant; & administrationi Sacramentorum, & Missarum, diuino-

diuinorum officiorum celebrationi, & anniuersariorum persolutioni, alijsque oneribus, & muneribus satisfaciant.

Quæ sit eorum vitæ, ac morum ratio; qui vestitus; quibuscum versari soleant; qualis sit eorum familia.

An sordibus, & illiberalibus artibus, & ab eorum gradu alienis, operam dent.

An Ecclesiæ iura, & bonorum Ecclesiasticorum possessionem defendant.

An eorum fructus rectè dispensent.

An pacem inter se habeant; se in aliorum pacificatione interponant; Inimicitiarum, & odiorum causas tollere studeant.

An populus pie versetur in Ecclesia; Missamque & alia diuina officia reuerenter attendat.

21 In Parochijs, præter ea omnia, quæ diximus, videant.

An Parochi ex decreto, in hac Synodo edito, libros habeant, in quibus baptizatorum, confirmatorum, cõpatrum eorum, qui matrimonio coniungantur, ac mortuorum nomina, & cognomina describantur.

An ritè sacramenta præbeantur.

An Sacrosanctum Eucharistiæ Sacramentum, Chrisma, & reliqua sacra, ea munditiæ cura, & custodia, qua debent, conseruentur; & suo tempore mutentur.

An Eucharistia pie, & honorificè, prosequente fidelium comitatu ad ægrotos adferatur.

An legitime matrimonia, & in Ecclesia, adhibitis ex decreto Tridentini Concilij denunciationibus, debito tempore contrahantur.

An suæ curæ commissas Ecclesiâs, maxime diebus festis, deserant, ut inserviant alienis.

An Dei verbum prædicent, & pueros rudimentis fidei instruant.

An libros, quos nos in hac Synodo habendos, præscripsimus, habeant.

22 Curatas Ecclesiâs, quæ Regularium Monasterijs, etiam ubi Abbas Generalis domicilium, sedemque Ordinis primariam habet, vnicuius iure adiunctæ sunt, Episcopus ex Tridentini Concilij decreto, Sess. 7. cap. 7. visitet.

23 Singulis annis Episcopus ad præscriptum Concilij Tridentini eas Capellas visitet, quæ hisce etiam conditionibus erectæ, institutæ sunt, ut Ordinarius, aliusue superior Ecclesiasticus non possit, ne visitationis quidem correctionisue causa, aut alia quauis ratione id sibi vindicare; vsque adeo, ut si contrà attentatum erit, nulla, irritaque sit, & erectio, & huiusmodi voluntas testatoris. Si verò Capellarum erectio fundatiouè, ac testatoris voluntas hisce conditionibus præscripta

P p 3 Sedis

Trid. sess. 7. c. 7.

5. Quæ ad Synodum Con- greg. & Visit. attin. Sess. 7. c. 8. Sess. 24. c. 9. Sess. 21. ca. 8. de refor.

6. Quæ ad Vi- sitat. pert.

Sedis Apostolicę auctoritate comprobata erit; tunc Ordinarius earum Capellarum administrationis, visitationis, correctionis uē ius nullo modo sibi sumat: nisi fortasse quibus testatur illarum administrationem, curationem uē reliquerit, aut commiserit, eos negligentes esse cognouerit.

24 Ecclesias præterea Equitum ordinis Hierosolymitani is iudex uisitet, ut Summi Pontificis Pij V. Constitutio præscribit.

1. Ibidem.

25 Denique dispiciant, an in populo sint hæretici, vsurarij, concubinarij, alijque flagitiosi, & facinorosi homines; qui inimicitias gerant; qui Quadragesimam, alia ieiunia, festos dies, & reliquos Ecclesię ritus non seruent; quique saltem semel in anno peccata sua confessi non sint; aut sanctam Eucharistiam non sumpserint.

An sint qui legata pia non exequantur.

An domestica disciplina patrum familias in educandis liberis diligens, pia, & honesta sit.

4. De Visitacione.

Fœminarum ac marium luxu, immoderatoque uestium sumptuentium, ornatum illum inanem, ac planè superuacaneum, & à Christianę vitę more sanè quàm alienum, unde tot malorum feminarum extare quotidie cernitur, omni Episcopalis muneris officio, & auctoritate prohibere, tollere, funditusque euellere studeant.

1. Ibidem.

26 His exquisitis, cognoscere studeant, quinam ex regularibus, & prædicandi munere fungantur, & fidelium confessiones audiant; an & eorum probata sit Doctrina; & probatę Doctrinę vita respondeat.

4. De sacram. pœnit.

Episcopus, & in vrbe, & , quo tempore etiam visitationem obit, in frequentioribus Diœcesanis locis Confessarios Sacerdotes, etiam Regulares aliquando ad se, tum singulos, tum vniuersos conuocet, & Tit. de Confessario, nu. 33.

3. De ijs, quę pert. ad ornatum, &c. Sess. 21. c. 8. de reform. Sess. 24. c. 9. Sess. 25. De Regul. c. 20. Conc. Taraconen. cap. 8. Cõc. Brac. 2. cap. 1.

27 Episcopus ex Tridentini decreti iussu, singula Monasteria, in quibus non viget Regularis obseruantia, aliaque Ecclesiastica beneficia, quę commendata sunt, quocumque nomine nuncupata, intrā Diœcesis suę fines posita, quotannis uisitet: idque opportunis omnibus remedijs, facta etiam fructuum, ad illa pertinentium, sequestratione, provideat, ut quę reconcinari, aut instaurari oportet, ea omninò vel reconcinentur, vel restituantur; tum indumenta præterea, ornamentorum suppellex, & sacre uestes comparentur; ac ministeria, quę ad diuinum cultum spectant, rectè, ordine, & cum dignitate in illis præstentur.

4. De Visitat. Sess. 25. c. 8. & 9. de regu.

28 Monialium Monasteria, Regularium uiri, curæ uē subiecta, quod ad clausuram attinet, diligenter, accuratèque uisitent; loca ipsa introspiciant; atque ex superiori etiam parte circumlustrent; & cautè, solerterque inspiciant prospectus omnes, aditus, & cetera denique omnia,

nia, quae ad clausuram rectè tuendam vllò quouis modo pertinent.

29 An hospitalia, & alia pia loca rectè administrantur; eorumque bona prudenter, fideliterque in eum vsum, cui addicta sunt, distribuuntur. 1. Ibidem.

An qui in hospitalibus sunt, piè viuant.

Hospitalia item, aliaque pia singula loca, & sodalitia, pro auctoritate, facultate, & Canonum iure, & decretis Tridentinis sibi data, in singulos annos visitent; & quae laicalia etiam, & merè priuata sunt, in ijs, quae ad obseruandam piam testatorum voluntatem spectent, visitando corrigant, & reforment. 4. Ibidem. Sess. 22. c. 8. & 9.

30 De Scholis, sciant, quos libros discipulis Magistri interpretentur; & an illi officio suo satisfaciant. 1. Ibidem.

An Magistri tales sint, & ità admissi; quemadmodum in hac Synodo mandauimus, si secus amoueantur.

31 Sodalitates quascumque seu Confratrias, quae Disciplinatorum nominum vocantur, Episcopus, vt Tridentino Concilio iussum est, visitet, &c. De Sodalitat. nu. 4. 2. Tit. 3. dec. 22. Sess. 22. c. 8.

32 De Bibliothecis diligenter quærant, an in eis sint hæretici libri; aut qui aliter iure prohibeantur. 1. Ibidem.

33 Si quid in ijs omnibus tollendum, corrigendumue fuerit, tollent, & corrigent; & ad puniendos delinquentes, censuras, & alia iuris remedia adhibebunt. Sess. 24. c. 10.

Omnes verò summo studio monebunt, & hortabuntur; vt officij sibi commissi munus fideliter, ac diligenter exerceant.

Neque solum hæc, sed quæcumque à Tridentino Concilio, & à nobis præcipiuntur; & alia multa, quæ pro eorum prudentia, ac pietate ad vtilitatem, ac salutem populorum, eis in mentem venire poterunt, exquirent, & exequentur.

34 Diligentiam verò omnem visitando adhibeant non modo in Ecclesiarum cultu, & ornamento tuendo, augendoue; sed maximè in omni, & Cleri & populi pristina Christiana disciplina restituenda; in vtriusq; item moribus cognoscendis, ijsdemq; deprauatis corrigendis. 4. De Visit.

35 In eaque vel visitatione, vel morum Correctione etiam tamquàm Sedis Apostolicæ delegari, auctoritate Tridentini Concilij statuunt, moderentur, puniant, & exequantur ad sacrorum Canonum præscriptum, quæcumque illis ex prudentia sua pro subditorum emendatione, & Diocesis suæ vtilitate necessaria videbuntur. In ijs neque vlla inhibitio, appellatio, aliudue quicquam impediatur, aut retardet executionem eorum, quæ ipsi mandarint, aut iudicarint, decreuerintue. Sess. 13. c. 1. Sess. 24. c. 10. Sess. 21. c. 1. c. irrefragabili, de off. ord.

36 Episcopo ad cuiuscumque loci, vel Ecclesiæ Parochialis, curatue visitationem aduentanti, cum illi potissimum, ut vetus Canon Con-

cilij Turonensis iubet, qui confirmationis sacramentum ab eo suscepturi sunt, tūm præterea reliqui omnes fideles, exceptis tantum ijs, qui morbo, aduersaue valetudine laborant, sicut in Concilio Rothomagensi cautum est, obuiam ordine prodeant; ac statis hymnorum, psalmodiarumque precibus, & cum gaudio, timore, summaque reuerentia illum, tamquam vicem Christi agentem excipiant, prout eodem Rothomagensi Concilio sancitum est, cuius Canone excommunicatio illis constituta erat, qui ei muneri defuissent.

37 Neque solum quo tempore ille aduentat; sed alijs etiam diebus dum visitatio Parochiæ sit, fideles quā frequentissimi adsint; ut ipsi omnes, ac singuli, si quid ad animarum salutem procurandam opus habent, proprio pastori, parentique liberè exponant; ei, quæ pro illius officij ratione oportet, interroganti respondeant; illum concionantem, monentem, & paternè arguentem, obsecrantem, & increpantem, audiant; eiusdem iussa, monita, & decreta suscipiant, atque Dei denique voluntatem, quam præsentibus per ipsum auribus percipiunt, non tantum obediendi propensione, sed etiam rectè factis omninò exequantur.

Id porro omne, ut fideles diligenter, promptoq; animo præsent, frequentissimiq; in Episcopali visitatione adsint, Parochorum, & aliorum quorum interest, sacerdotū sit, crebrò, prout vsu venerit, intrā Missam solēnia illos docere, eū eas officij partes, quas Epō visitanti ab ipsis præstari conueniat, eū visitationum in primis utilitates, fructusq; salutes.

38 At verò ex visitationum laboribus, quò vberiores fructus exsistat, ac fidelium animi saluari aliqua præparatione excitati, & suffulti, quò pròptiores, erectioresq; fiant, eū ad benè agendum, tūm ad paternæ, & episcopali iussa, monitaque amplectēda, & exequenda, tūm ad oēm deniq; Christianæ vitæ disciplinā sanctis institutis confirmatam, suscipiendā; ac præterea, ut visitatio & diligenter, & breuiter, & rectè denique cōficiatur, atque absoluaatur, has etiam de præparatione ab ijs præsertim, qui visitantur, adhibenda, instructiones adiungendas censuimus ijs decretis, quæ hoc ipso de genere in hoc, & in alio nostro Prouinciali primo Concilio edita sunt. Quibus porro instructionibus pro personarū, temporū, locorūq; suæ Diocesis ratione, ab Epō addi, detrahiq; liceat.

Primum vbi visitationis, vel generatim in vniuersa vrbe, Diocesisq; inchoanda, vel speciatim in aliquo oppido, locouè, aut Parochia, præsertim frequentiori, atque insigniori obeunda, certā diem Episcopus statuerit; pastoralibus etiam literis, eo potissimum nomine à se confectis, populum præmoneat, atq; cohortetur, cum ad alia pietatis officia, tūm maximè ad peccatorum Confessionem, sacram Communionem, precesque pro saluari visitationis euentu continenter habendas.

Triduo proximo, antequàm vniuersæ visitationis initium fiat, in

Cathe

Cathedrali Ecclesia quadraginta horarum orationem indicat; quam eiusdem visitationis nomine à Clero, & populo, qui in vrbe est, frequentiori in ea ipsa Ecclesia piè celebrari curet.

Hæc ipsa etiam orationis ratio Parocho, aliouè Ecclesie Rectore, cuius interest, cur ante, adhibeatur, antequàm Ecclesie Parochialis, curate aut oppidi, præsertim insignioris, visitatio ineatur.

Duobus verò, aut pluribus ante Constitutum visitationis tempus diebus, Archipresbyterum, aut Archidiaconum, vt in Concilio Rothomagensi cautum est, aut alium Ecclesiasticum hominem, quem maluerit Episcopus, præire iubeat, per singula oppida, vicos, Parochias, & loca Ciuitatis, & Diocesis, præsertim frequentiora, insigniora uè, quæ ille visitaturus est. Ille verò in ista præter conuocatoq; Clero, & populo vniuersiusque loci nunciet Episcopi aduentum, eidemq; aduentanti obuiã, vt iustum est, prodire, cæteraq; in promptu haberi moneat, ac mandet. Pastorales item Epi litteras, edicta, instructiones, ad visitationem pertinentes, enunciet, atq; te euulget. Tū præterea quicquid de leuioribus causis ab eo explicari, agnè Eps iusserit, id exequi studeat, vt nè ille veniens diutius ob eiusmodi causas in visitationis mora esse necesse habeat.

39 Parochus porro, aliusuè Ecclesie Rector, vel præfectus, in qua aiarum curam gerit, cum visitandus erit, pastorales Epi litteras, visitationis nomine editas, duobus ante illius Aduentum proximis festis diebus, intra Milliarum solemnia, cum populi frequentia ad est, de scripto recitet.

Idem præter de litteris, quas de confirmationis Sacramento ritè, religiosèque suscipiendo Episcopus, instructionum, monitionum uè nomine ediderit.

Hoc ipsum præterea exequatur de alijs item litteris, edictis, & instructionibus, quas ob visitationem euulgari ille iusserit.

Sacerdotibus quoque & alijs, quorum interest, Epales instructionum litteras de scriptis, tabulis, libris, atq; rei Ecclesiasticæ monumentis, instrumentis, cæterisque id generis maturè preparandis, quo visitandi ratio, breuior, explicatiõque sit, significet, & recitet; ac in opus est, earum exempli exhibendi copiam illis faciat.

Quam litterarum, edictorum uè Episcopaliu euulgationem, recitationem uè, & serationem, & edicationem, & monitionibus, & omni alio tum publico, tum priuato cohortationum officio prosèquatur, prout expedire animaduertente: quò fidelium animos diligentius præparet, atque excitet ad suscipiendum Episcopalis visitationis officium vberissimo, ac salutarum animarum fructu.

Illud curet, vt nemo, qui intrà Parochie suæ fines habitat, omninò sit, qui eo visitationis tempore confessus, sacram communionem non sumat; idque ab Episcopo ipso, etiam si in alia Parochiali Ecclesia sumere.

sumere.

sumere oporteret, scilicet eò loci, ubi ille mane uisitans, Missæ sacrificium offerat.

Nemo item, qui chrismate non ante confirmatus, modo atate, in confirmationis litteris Episcopalis præscripta sit, illud ab eodem munus non accipiat.

Quamobrem tùm pridie diei Visitationis, tùm maximè ubi Episcopum visitationis causa iam aduentare cognouerit, certo aliquo, solemniq; campanarum sono illius aduentum fidelibus significet, quo frequentius etiam ex agro euocati, omni alia prætermissa actione conueniant, eique tale tamquam necessarium munus obeunti, diligentius præsto sint, qua debent obseruantia, ac ueneratione.

Studeant item, Confessariorum Sacerdotum, qui ad id muneris probati sunt, nisi Episcopi cura præmittantur, copiam necessariam habere, qui biduo, triduoè Parochiæ suæ hominum confessiones audiant, aut confessos reconcilient, ut stata uisitationis, aliaue die, quam Episcopus constituerit, preparati sint ad sacram Communionem, & ad Confirmationem, qui nondum confirmati sunt, ab eo sanctè sumendam.

Ac propterea Confessionum causa eo tempore confessionalia multa, ad formulæ demòstrate præscriptum confecta, certisque locis in Ecclesia sua decenter collocata, si totidem non sunt, quot necessaria uidebitur, aliunde habere curet.

Hostias, uinum, uasa, mappas, & alia ad sacræ Communionis, populo ministrandæ, usum necessaria, accuratè paret.

Locum item in Ecclesia præparet, atque ornent, ubi ab Episcopo confirmationis sacramentum fideles religiosè suscipiant.

Suggestum item decenti ornatu inuoluet, unde tùm ille, aliuius populo sermonem, concionemue habere possit; tùm Episcopalia monita de scripto pronunciar.

Pridie illius diei, quo Episcopus uisitaturus est, chirographa, schedulasue in promptu esse curet, eorum, qui confirmationis Sacramentum suscepturi sunt, & compatrium, compatriumque item ex præscripto instructionis litterarum de confirmationis Sacramento promulgatarum.

Omnium singularumque rerum, quæ uel consecrandæ, uel benedicendæ sunt, utpotè Ecclesiæ, Cœmeterij, Altarium, campanarum, uestium, indumentorum, tabernaculi, calicum, corporalium, crucium, imaginum, significationem, indicis ordine exaratam, Episcopo antedie uisitationis ita in tempore det, ut cum de apparatu, tùm de certa hora, uel die illas sacras actiones obeundi deliberare possit.

Sacristiam præterea adornet, atque instruat: in qua ex armarijs exposita sint sacra indumenta, uestes, pallia, uasa, ac reliqua omnia Ecclesiasticæ

ſacrae ſupellectilis inſtrumenta, atque ornamenta, præter illa, quæ in Eccleſiæ, Altariumque apparatus, & uſu tunc erunt: eaque ordine ac pro colorum ratione diſtinctè collocata ita appareant, ut eo, & loco, & tempore in viſitando recognoſci certè, facileque ac breui poſſint.

Certo item, decentique Sacriſtiæ loco libri, ac volumina Eccleſiaſtica, ut Miſſalia, Breuiaria, Lectionaria, Antiphonaria, & alia id generis ſuis operimentis politè contecta, in oculis Epilcopi appareant.

Tuto item eiufdem loco in promptu ſint ſcripta, monumenta, Codices, quibus teſtificatio fiat, ſacrarium Reliquiarum, in ea Eccleſia aſſeruataram.

Eodem loco tabulæ item, ſcriptaue indulgentiarum, eidem Eccleſiæ conceſſarum.

Separatim alio Sacriſtiæ loco, vel in Archiuo, ſi illud à Sacriſtiâ diſtinctum ſit, in promptu habeat, tabulas, ſcriptaue, ac monumenta, quæ pro ratione annorum diſtinctè notata, quæ ad Eccleſiæ, Altarium, Capellarumue iura, priuilegia, bonaque teſtificanda pertineant.

Librum item Statutorum, & Conſtitutionum, & tabularum, rituum, conſuetudinum, ſi quas peculiare illa Eccleſia, eiufdem Clerus habeat, præſertim in diuinis officijs, Eccleſiaſticisque functionibus.

In promptu præterea, ac parata Inuentaria hæc infra ordine præſcripta, rectèque contecta habeat, quibus ſingulis manu ſua ſubſcriptum ſit.

Primo Inuentarium ſacrarum Reliquiarum in ſua Eccleſia reconditarum, ac ſimul monumentorum, litterarumue illas verè teſtificantiu.

Alterum, in quo deſcriptæ ſint indulgentiæ omnes, illi Eccleſiæ, eiufdem Capellis, aut Altaribus perpetuè conceſſæ, aut ad tempus, quod adhuc peractum non ſit.

Tertium, in quo ſacrae veſtes, pallia, indumenta, & ornamenta ſingula; omnia, quæcumque ſupellectilis Eccleſiæ ſint, rectè, ac diſtinctè deſcripta, notataue appareant.

Quartum, in quo libri, ſcriptaue, litteræ, ac inſtrumenta id generis, quibus bona, iura, priuilegia Eccleſiæ, Altarium, Capellarumue teſtificata apparent, notata ſint.

Quæ Inuentaria, quo tempore, & quibus præſentibus proximè conſeſta ſint, ex illius ſcriptione appareat, ut, ſi ita opus aliquando erit, rectè conferri poſſint, eademque ex ſcripta, in uiſitationis acta referantur, prout Epilcopus cenſuerit.

Paratum habeat, ac exhibeat indicem Dignitatum, Canonicatum, portionum, & aliorum id generis titulorum, Altarium, Capellarum, & Clericatum, quicumque ſunt in illa Eccleſia, cum explicatione eorum cenſus, ac onerum uniuſuique adiunctorum; tum etiam fundationum,

tionum, institutionum uè, & notariorum, qui foundationum tabulas con-
fecerint, tum singulorum præterea, qui ea Altaria, Capellas, portu-
nes, canonicatus, dignitates, aliud uè, quouis, etiam ad nuum amon-
bili, titulo obtinent.

Indicem etiam similem, cum simili explicatione titulorum, & be-
neficiorum quorumcumque, tum Ecclesiarum, tum Oratoriorum Se-
cularium, etiam cælestrium, quæ sita sunt extra illam Ecclesiam, intra
fines tamen eiusdem Parochiæ.

Indicem item Scholarum, Confratriarum, locorum, operum pio-
rum, quouis modo in ea Ecclesia institutorum, quo exprimitur, &
institutio, & institutionis tabula, à quo scilicet notario confectæ.

Rursus indicem similem Scholarum Confratriarum, Hospitalium,
locorum uè, & operum piorum, quorumcumque, quæ extra illam Ec-
clesiam intra fines tamen Parochiæ sita sunt.

Indicem quoque Monasteriorum, Præpositurarum, & huiusmodi
domuum Regularium, tam virorum, etiam si commendatæ sint, quam
fœminarum, etiam, quæ ab Episcopi iurisdictione immunes sint, quæ-
cumque in illius Parochiæ finibus sitæ sunt.

Paratum item indicem habeat, ac exhibeat, in quo Clerici, in sua
Ecclesiæ finibus habitantes, descripti sint, notatis eorum uisumque
tum nominibus, tum domicilijs, phabitationibus Ecclesiasticis, aut
Sæcularibus: & item adscriptio an soli, an vnà cum alijs, vel Ecclesiasti-
cis, vel laicis habitent.

Indicem item puërorum, adolescentium uè vitæ Ecclesiasticæ disci-
plinam ingredientium.

Musicorum item, Cætorum, Organorū; in quavis Ecclesia sonantia.
Laicorum item hominum, si qui sunt, Sacerdoti in Missæ sacro, aut in
diuinis officijs, funeralibus etiam, & in alijs Ecclesiasticis muneribus,
operam aliquam præstantes.

Indicem item prædiorum, bonorumque Ecclesiæ suæ; rursusque fru-
ctuum, & censuum, quos inde percipit, & aliorum inde reddituum,
ut potè oblationum, elemosinarum, quæ statis quibusdam anni die-
bus, vel ob solemnitates, vel ob anniuersaria, aliam uè causam fiunt.

Huic rursus alius index adiunctus exhibeatur, usurpationum bono-
rum, iurium uè illius Ecclesiæ, & alienationum præterea trigintra ante
Tridentini Concilij celebrationem, & confirmationem annis factarū.

Indicem etiam det reddituum, vel veterum, vel recentium, Capitu-
lo, Clerouè illius Ecclesiæ Communium.

Indicem quoque distinctum, reddiuum, emolumentorum, onerum,
& aliarum, ut supra, præscriptarum rerum, quæ ad Ecclesias tunc va-
cantes pertinent, notato etiam tempore, quamdiu vacent, & illius item
qui

qui earum fructus, vel decimas, vel primitias, vel alios cuiusvis generis redditus exigit, nomine descripto, & auctoritate, qua exegit item.

Indicem præterea census ab eo, qui sibi tamquam Rectori obuenit, distincti, ac separati, utpotè illius, qui vel ad fabricæ illius Ecclesiæ vel ad luminum, vel ad sacristiæ, vel ad alterius eiusmodi rei usum erogationem pertinet.

Promptos item habeat Codices Parochiales, unum scilicet baptismatorum, alterum eorum, qui matrimonium contraxerint, tertium illorum qui Christma susceperint, quartum, quem proximè confecerit de numero, statumque animarum.

Regestum etiam, aut exempla Constitutionum Pontificiarum, ac litterarum Pastoralium, aut instructionum id generis, & edictorum, quæcumque ab Episcopo acceperit. In quibus singulis exemplis notatus sit dies, quo illa populo promulgarit, legeritue.

Paratos item libros, & tabellas singulas, indicesuè habeat, ac exhibeat, qui debent in Sacristia esse ex præscripto Conciliorum Provincialium, diæcesanorum, ac instructionum.

Si præterea curam, administrationemue habet bonorum Ecclesiasticorum separatim ab ijs, quæ sibi ad vitæ sustentandæ usum attributa sunt, aut fructuum vacantium sibi commendatorum; susceptæ, administratæue curæ rationum Codicem in promptu habeat, atque exhibeat.

Separatim verò in promptu habeat, ut Episcopo tradat, tabulam decretorum Provincialium, diæcesanorumque quæ vel ad diuinorum officiorum cultum, vel ad Parochialis curæ, disciplinæque Christianæ rationem pertinentia, nondum in Parochiæ suæ finibus executionem habuerint, causis, & impedimentis quoque explicatis, cur in executionis usum adhuc inducta non sint.

Tum præterea indicem, manu sua confectum, det eorum, qui infra notati sunt, si qui in Parochiæ suæ finibus id generis homines exant.

Hereticorum, hæresisue nomine suspectorum, aut libros hereticos, prohibitosuè habentium, vel legentium.

Publicè, ut infra potissimum, delinquentium, male factaque committentium.

Blasphemantium scilicet.

Superstitione, maleficijs, magicisque artibus utentium.

Eorum, qui in Pascha Confessi, sacram Communionem non sumpsierint.

Simoniacorum.

Uirus exercentium.

Concubinariorum, concubinatusuè nomine suspectorum.

Ille

Illorum etiam, si qui publicè, notorièque criminosi, quibus pro Tridentinæ sanctionis, Concilijque Primi, & Tertij Provincialis decretorum ratione, solemniter, vel publica indicenda sit pœnitentia; ut, aut tunc ipsi Episcopus eam iudicio suo statuat; aut illos, quos solemniter pro peccati gravitate pœnitere iussum est; à Cancellario notatos, ad se in eunte Quadragesima venire iubeat, cuius temporis initio illam de Ecclesiæ sanctæ more ipsi subeant ritu solemniter.

Coniugum inter se disiunctorum, neque simul cohabitantium.

Eorum, qui cognatione, affinitateve iuncti, matrimonium gradu prohibito contraxerint.

In Ecclesiâ parum reuerenter, ac non debita veneratione versantium.

Illorum, qui diebus festis Missæ sacrificio non interfint; aut ferilibus operibus dies festos violare, aut choræis, comestationibus, alijsque eiusmodi actionibus profanare soleant.

Talis, aliaque ludentium; aut istis domicilia exponentium.

Libros de rebus obscenis, parumque honestis conscriptos, obloenasque item imagines habentium.

Eorum etiam, qui inertia, desidia, otio, vel cauponis, tabernisue vinaris, ganeisue dediti sunt.

Marium, feminarumque; vestium immoderatum induentium, non sine manifesta Dei, hominumque offensione.

Omnium denique deprauatorum morum in Parochiæ suæ hominibus frequentium, ac publicorum.

Indicem item eorum hominum, intrâ Parochiæ suæ limites habitantium quibuscum Episcopus visitans pro varijs visitationis officijs, aliquando colloqui, agereve necesse habet. Horum scilicet.

Patrum familias.

Ludi literarij Magistrorum, Pædagogorum, Musicam etiam, Scriptionem, Arithmeticam, aliasque artes liberales profitentium.

Mulierum item docentium, puellasque sibi indisciplinam traditas, domi educantium.

Medicorum, Chirurgorum, Tonforumque rem medicam exercentium.

Pictorum, & Sculptorum.

Bibliopolarum, Impressoriamque facientium.

Ministorum publicorum, ut Syndicorum Confratriæ vniuersalisque Praefectorum, Curatorumque, & aliorum id generis.

Notariorum.

Opificum, artificumque in Parochia sua frequentiorum.

Hominum, operibus pijs exercendis aptiorum, aut iam debitorum;

&

& eorum, qui vite spiritualis, disciplinæque Christianæ studiosi adiumenta subministrare possunt rationibus, Parochiæ benè instituendæ vni necessarijs.

Pauperum, viduarum, pupillorum, cæterorumque verè miserabilium.

Cauponariam, cenaculariamuè exercentium.

Saltandi, tripudians diuè, ac sonandi in choræis artem profitentium, docentiumuè.

Exhibeat ipse ordinum, quibus initiatus est, ac beneficij illius, tum cæterorum etiam, si quæ alia obtinet, litteras, tum facultates scriptas, si quas ab Episcopo, eiusuè Ministris habet, vel suo, vel Ecclesiæ suæ nomine; vtpotà suscipiendi munus Missarum celebrandarum, audiendi Confessiones eorum, qui non sint de sua Parochia, cohabitandi cum laicis, vel extrà ædes Ecclesiasticas; adhibendi fœminas sibi inservièntes, locandi laicis domum Ecclesiasticam, exponendi capsulam pro eleemosynis, & eiusmodi.

Exhibeat item libros proprios, quos ex decretis Prouincialibus, aut ex visitationum, alijsuè Episcopi sui iussionibus, habere debet, vtpotè Breviarium, Missale, Calendarium proximè editum, librum Ritualement seu Sacramentorum, Homiliarium, Psalterium, volumen Bibliorum, Catechismum Romanum, Codices Conciliorum, scilicet Tridentini, Prouincialium, & Diocesæ sanorum, quibus in libris inscriptum sit nomen possidentis.

Exhibeat præterea indicem aliorum librorum, quoscumq; impresos, aut manu exaratos habet.

40 Quod de sacris reliquijs, indulgentijs, indumentis, ornamentis, suppellectili Ecclesiastica, libris, scriptis, inuentarijs, indicibus, fundationum tabulis, redditibus, emolumentis, oneribus, vsurpationibus, alienationibusque titulis etiam beneficiorum, & ordinibus, ac cæteris denique Parocho, Rectoriuè, aut Præfecto Ecclesiæ, in qua animarum cura geritur, præscriptum est; id omne, & Præpositi, & Canonici, & Capellani, etiam mercenarij, & alij dignitatum, Canonicatum, Altarium, Capellarum, aliorumque beneficiorum titulum obtinentes; aut quouis nomine administrationem, curam uè habentes; & rursus fabricarum Præfecti, & Confratrium, Hospitalium, eleemosynarum, locorum uè, ac operum piorum quouis curatores, cum visitandi erunt, præstent; quatenus eo de toto genere constitutum vlllo modo pertineat ad eorū dignitates, beneficia, Capellas, & Altaria, titulos, & ordines, aut ad fabricas, hospitalia, eleemosynas, pia loca, vel opera, aut etiam Ecclesias, Altaria, Capellas eorundem præfectorum, vel curatorum administrationi, & procuratori committas.

Parochi

41 Parochi sit autem, aut Praefecti, Rectorisue, vt supra, intra cuius Parochiae fines facienda est visitatio, nisi Episcopus alijs potius id muneris aliquando dederit, illos omnes, & singulos in tempore praemoneat, vt praescriptum apparatus conficiant, atq; in visitatione praesentes adsint, tum praescriptam rationem, quam id praedent, diligenter docere.

42 Episcopus porro, quo visitationis rationem magis explicatam habeat, nec diutius quam par est, in mora sit, in omni praescripto apparatus recte conficiendo ab ijs, quorum interest, pro pietatis suae, Pastoralisque diligentiae studio omnem diligentiam adhibeat.

43 Quo vero Parochorum, & aliorum Sacerdotum in concionibus, vel sermonibus habendis ratio Episcopo explorator sit, haec praeter alias huius indagationis constitutas rationes seruare poterunt, vt, cum visitantur, sermonem, conuocato populo, praesentesque ipso Episcopo singuli in sua Ecclesia, vel vbi is maluerit, eo de genere, quod idem iusserit, aliquando habeant.

44 Illud autem, &c. De vita & hon. Cler. nu. 80. & 81.

45 Visitationis initio, certae Christiano more viuendi regulae, ex Oecumenica Tridentina Synodo, Concilijsque Prouincialibus, & diocesanis, omnique optima disciplina collectae, vulgari sermone, breuiter explicatae, ad communem Prouinciae usum per nos edendae, praeter illam decretorum, ad laicos pertinentium, denunciationem, in Concilio Prouinciali tertio Parochis praescriptam, de suggestu populo frequentissimo in vrbe, & insignioribus locis, vbi Episcopus expedire censuerit, clara voce legantur: vt omnes intelligant, secumque taciti inquirant, an ad praescriptas leges vitae Christianae modum susceperint. Tum ab Episcopo de illis interrogati, videant sui muneris esse, si quas in visitatione executi nondum sint, earum praescriptis, atque institutis parere quam primum, & quam diligentissime, pro salutariae disciplinae ratione, atque vsu, rectis regulis confirmato.

46 Certas pastorales monitiones, vnicuique hominum ordini, seruituti, & aetate proprie conuenientes, ex sacrarum litterarum fontibus, sanctorumque patrum disciplina, ex eisdem Concilijs haustas, ad omnium eorum magistratum instructionem, nostra cura communi Prouinciae vsui conficiendas, vnusquisque Parochus, cum in fine visitationis vrbes, & vnicuiusque praesertim insignioris oppidi, tum certis anni solemnitatibus, prout Episcopus iusserit, & illis aliquid pro ratione loci, vel addendum, vel detrahendum censuerit, populo de scripto recitet, atque enutret; vt fideles non solum visitationis iussis, decretisque alijs in omnes bene agendi partes confirmari sed sepius sui quique debiti officij, Episcopalis, Pastoralibusque vocibus moniti, in dies in via Domini maiores progressionem, habeant.

5. Quæ ad Synod. cōgreg. & visit. attin.

48 Visitationis munus ad Dei honorem, animarumque salutem utiliter institutum, quò fructuosius præstetur; maximè videbitur expedire, ut antequàm ab Ecclesia, pioque loco, cuius visitatio agitur, discedatur, decreta, eaque præsertim, quæ de structura, suppellectiliuè Ecclesiastica, constituta erunt, Rectori, alijue, cuius interest, relinquuntur, ut quamprimum fieri potest, diligenter inducantur in executionis usum.

49 Atque in eo quidem genere decretorum, quæ de illius, vel fabricæ, vel suppellectilis ratione sunt, cū in instructionibus, ea ipsa de re ex Provinciali decreto editis forma præscribatur, non multū tēporis ponetur.

50 Si quæ verò, utpotè de legatis, & alijs eiusmodi causis cognosci oportebit, de ijs, loci etiam visitatione cōfecta stant, decerniue poterit: sed curet Episcopus antea omninò, si fieri poterit, decerni, quàm ex ipsa plebe, Vicariuè regione abeat, si Diocesis locorum visitatio sit.

51 At qui in decretis non erit generatim, sed sigillatim, & quantum fieri possit, diligenter stauendum, & à quo, & cuius sumptu, & quò temporis spacio quicquàm fieri, præstariue oportebit; & quæ præterea pena negligentibus, aut contumacibus erit irroganda. Et verò si quæ in decretis exequendis difficultas, vel controuersia videbitur oriri posse; curandum erit, ut planè tollatur. Verùm hac salutari diligentia videat Episcopus, nè in visitando tempus, nisi necessariò protrahatur ad maiorem Cleri, vel Populi, vel Ecclesiarum sumptum.

52 Nec propterea tamen vetitum sit, quominus aliquotum decretorum cōfectionem, vel editionem differre diutius possit, si ita pro difficultate rei, aliaue ratione opus esse, aut expedire iudicauerit.

53 Visitationis autem decretorum exempla semel primū gratis omninò etiam, quod ad scriptionem attinet, edantur ijs singulis, quibus pro executionis usu edi, exhiberiue oportet: iterum etiam, atque adeò sapius itidem gratis, ut supra, edantur; si quæ iam edita sunt, aliquo modo, sine eorum culpa tamen, amissa, deperditauè sunt.

54 Quæ porò decreta, cū primo eduntur; in libro benè cōfecto, accuratè, rectèque exscribantur. Isque liber in Sacristia Ecclesiæ, alioque decenti, tutoque loco asseruetur.

55 Subscribet præterea manu sua ijsdem decretis in eo libro Episcopus, vel qui eius nomine visitauit, vel Cancellarius, vel Notarius visitationis.

56 Eiusdem verò Cancellarij erit, publicis tabulis notare, in actaque visitationis referre, quo die singula decreta, ordinationesue singulæ editæ sint.

57-58 Si visitator gradu inferior sit Episcopo, propositam à nobis visitandi formulam in reliquis omnibus diligenter obseruet; in comitatuque octo hominibus ad summum, & sex iumentis contentus sit. Ibidem.

Q9 Quæ-

59 Quaecumque de preparatione in Episcopali visitatione faciendā supra praescripta sunt, instructiones, eadem ferè omnes adhibendae erunt in alijs visitationibus; illa tantum preparatione excepta, quae pertinet ad ea, quae Episcopi tantum, Episcopalisuè muneris, & visitationis propria sunt; vt de solemnī receptione, de Crismatis facti ministratio, & alijs huiusmodi.

De Concilio Prouinciali, eiusque Constitutionibus, & decretis.

S V M M A R I V M.

- 1 Concilium Prouinciale quo tempore quoque anni die, & loco habendum.
- 2 Is dies, locusque à Metropolitano prorogari, mutariuè potest. Eiusdem diei, & loci constitutio edicti loco habenda. 4. 5.
- 3 Metropolitano impedito, antiquior Coepiscopus illud conuocandi inchoat.
- 6 Concilio qui interesse debent, ipsimet adsint.
- 7 Legitimè impediti, quid agant, & quae, qualemq; suo nomine mittant.
- 8 Contra absentes, vt procedatur.
- 9 Capitula Cathedralium procuratores mittere possunt.
- 10 Concilij inchoandi dies in Calendarium referendus: & quando etiam populo; & à quibus, & ad quem finem denunciandus. 14.
- 11 Scheda, ob eammet causam, quando, quibus in locis affigenda, cuius tenoris, & à quo subscribenda, quoque sigillo signanda. 12.
- 13 Litterae Pastorales Metropolitanī eo de genere, quibus item in locis, & quando promulgandae.
- 15 Ante statam Concilij diem, Concilioque durante quibus in Ecclesia, quibusque stans diebus, & à quibus Missa cantanda, celebranda, vel commemoratio facienda: quaeque aliae preces adhibenda.
- 16 Quid aliud ab Ecclesiasticis Concilium adituris praestandum.
- 17 Quae item curent Episcopi, antequam ad Concilium veniant; & de quibus in eo ordine referant. 18.
- 19 Ad Concilium veniens Episcopus quos, & quot secum ducere debeat.
- 20 Ei venienti, qui obuiam procedere debeant.
- 21 In urbem, quo habitu, & equitatu ingrediatur: & an populo benedicere debeat.
- 22 Quò primo, urbem ingressus, accedat.
- 23 A quibus; & qualiter in Ecclesia excipiat.
- 24 A Basilica ad Metropolitanū pergens, qualiter ab eodem recipiatur. Ecclesia.